

Kitob barcha bunyodkorlik, yaratuvchanlik va aql-idrokning, ilm-u donishning asosidir, hayotni o'rgatuvchi murabbiydir.

Amir TEMUR

Tong yulduzi

Vatan yagonadir,
Vatan bittadir!

N:3 (67064)
2016-yil
18-yanvar

www.tongyulduzi.uz

Gazeta 1929-yil 1-avgustdan chiqib boshlagan

O'zbekiston Respublikasi bolalar va o'smirlar gazetasi

ISSN - 2010-6092



Ushbu sonda:

**ASHNOBODNI
ASHNATAYOTGAN
OSHLAR**

2-bet

BEBAHO DUR YOG'DUSI

Respublika bolalar kutubxonasining yetakchi mutaxassisi Nargiza Berdiyeva poytaxtimizning Yunusobod tumanidagi 259-umumta'lim maktabi o'quvchilari Munavvar Ochildiyeva, Umida Musamuhammedova va Sevinch Jovliyeva bilan yangi nashrni ko'zdan kechirishmoqda. 8-bet

Yangi rukn:

«Tong yulduzi»
a'lochilari

3-bet



**SIZNING KITOB
JAVONINGIZGA**

8-bet

ONA ALLASIDAN BOSHLANAR HAYOT

Farzand mehr bog'ining totli mevasi. Uning qo'ng'iroqday yangragan ilk ovozidan ko'nglimiz yorishadi. Onaning sehrli allasi bilan boshlangan hayot sabog'idan qalbida yashash ishtiyog'i tug'ilgan murg'ak go'dakning umr yo'li shahd bilan boshlanadi, desak mubolag'a bo'lmaydi.

Mamlakatimiz rahbari tomonidan 2016-yilni «Sog'lom ona va bola yili» deya nomlanishi ham bejiz emas. Hayotda ona va bolaning uzviy bog'liqligi, farzand tarbiyasida onalarning o'rni nechog'liq muhimligini bilamiz.

Har gal sinxonaga kirib borganimda, oppoq qushlar kabi tizilib turgan o'quvchilarimning o'tli nigohlaridan zavqlanaman. Kelajagimizning davomchilari bo'lgan bu beg'ubor qalb egalari bir kun kelib, yurtimiz tuprog'ini yanada gul-u gulzorlarga aylantirishiga ishonaman. Sariosiyo Surxon vohasining eng so'lim maskanlaridan biridir. Bu tuproqda behisob allomalar izi borligiga guvohmiz. Vatani darsi bilan boshlanadigan sabog'imiz zamirida ona bilan uzviy bog'liq bo'lgan betakror yurt timsoli ko'z oldimizda namoyon bo'ladi. Bejiz tug'ilib o'sgan tuprog'imizni jannatga mengzashmaydi. Sharqirab oqayotgan daryolar harorati-yu, purviqor tog'lar salobatidan ruhlanib ulg'aygan farzandlarimiz yo'lga bugun hech narsa g'ov bo'la olmaydi. Istiqolning totli mevalari bo'lgan yoshlarimizning hayot yo'li nurafshon bo'lishi uchun biz ustozlar o'zimizning doim mas'ulligimizni his etamiz.

Yurtimizning eng chekka qishloqlaridan birida o'sib-ulg'ayayotgan yoshlarimizning yuksak orzularidan mamnun bo'lamiz. Ularning kelajakda barcha orzu-istaklari ushali uchun tinimsiz xizmat qilayotgan ustozlarning bebaho mehnati bir kun kelib, o'zining sarxil mevasini berishi, shubhasiz.

Nodira QURBONOVA,
Surxondaryo viloyati, Sariosiyo tumanidagi
2-umumta'lim maktabining ona tili va
adabiyot fani o'qituvchisi

Yaqinda
maktabimizda oliy
toifali pedagog Nigora
Umarova boshlang'ich sinf
o'quvchilari o'rtasida «So'zlashuv
odobi» mavzusida tarbiyaviy soat
o'tkazdi.

YUKSAK IDROK BILAN

O'quvchilarga so'zlashuv, muomala odobi va madaniyati haqida tushuncha berib, xushmuomala bo'lish, har bir so'zni aql-idrok bilan ifoda etishga qaratilgan ushbu tarbiyaviy soatda shogirdlariga ko'plab savollar bilan murojaat qilib, ularni qizg'in muloqotga chorladi.

Mashg'ulot davomida hadis va hikmatli so'zlardan unumli foydalanildi. Tarbiyaviy soat so'ngidagi o'quvchilar yaxshi so'zning naqadar sehrli va mo'jizakor ekanligini yana bir bor angladilar.

Odobnoma fani bo'yicha o'quv dargohimizning ilg'or boshlang'ich sinf o'qituvchilaridan Marhabo Meliboyevaning «Ota-ona – aziz va mo'tabar», Ma'mura Ummatovanning «Merosimiz – faxrimiz» mavzusida o'tkazgan adabiy kecha o'zining hayotiy, ta'sirchanligi bilan ko'pchilikning e'tiborini tortdi.

Tadbirlarda Rayhona Yusupova, Faxriddin Abdumurodov, Sunnat Tangirov kabi o'quvchilar o'zlarini tayyorlagan fotoalbom, buklet hamda tarqatma materiallari bilan faol ishtirok etishdi.

Nigora ZOKIROVA,
Jizzax viloyati, G'allaorol tumanidagi
26-umumta'lim maktabining o'quv
ishlari bo'yicha direktor o'rinbosari



YASHNOBODNI YASHNATAYOTGAN OSHLAR

O'z nomiga munosib bo'lgan poytaxtimizning Yashnobod tumani kun sayin gullab-yashnamoqda. Bunda, albatta, maktab o'quvchilari ham namunali xulqi va a'lo o'qishlari bilan munosib hissa qo'shib kelmoqda.

Jumladan, tumanda joylashgan 206-umumta'lim maktabida ibratli ishlar talaygina. Bugungi kunda bilim maskanida 1113 nafar o'quvchiga 68 nafar ustozlar ta'lim-tarbiya berishmoqda. Maktabda fan o'yliklari, ochiq darslar qiziqarli o'tkaziladi. Unda turli tanlovlar, sayohatlar uyushtiriladi.

«Konstitutsiya – baxtimiz poydevori» mavzusidagi tanlovda 6-«V» sinf o'quvchisi Zarbuvi Nazarova bayon yo'nalishida va 9-«B» sinf o'quvchisi Fazilat Rixsiyoyeva insho yo'nalishida 1-o'rinni egalladi. Shuningdek, mazkur tanlovda 9-«V» sinf o'quvchisi Shahnoza Yusupova tumanda faxrli o'rinni qo'lga kiritdi.

Fan olimpiadasining tuman bosqichida maktabning 9-«A» sinf o'quvchilari ayniqsa, faol ishtirok etishdi. Jumladan, ona tili fanidan Nigina Toshpo'latova 2-o'rinni, kimyo fanidan Mohtob

Soliyeva 3-o'rinni, geografiya fanidan Dilnoza Qurbonova 1-o'rinni, fizika fanidan Bunyod Isroilov 2-o'rinni egallab shahar bosqichida ishtirok etishga muvaffaq bo'lishdi.

Vatani himoyachilari kuni munosabati bilan maktabda katta bayram shodiyonalari bo'lib o'tdi. 3-«A» sinf o'quvchilari ustozlari Fotima opa Xoliqova boshchiligidagi o'tkazilgan tadbirda Vatani madhi yana bir bor kuylandi. Jajji qalblar «Otonamga, ustozlarimga, yurtim va Yurtboshimga

munosib farzand bo'laman, Vatanimga xizmat qilaman», deganlarida, qalblar quvonchga to'ldi. Ayniqsa, «Dunyoga tinchlik kerak, biz tinchlik tarafdori», degan so'zlari ishtirokchilar



– Bobomiz Alisher Navoiyning «Kishining zeb-u ziynati bilim va odobdir», degan hikmatli so'zlarini maktabimiz jamoasi o'zlariga shior qilib olgan. O'z navbatida, ustozlarimiz ham mana shu xislatlarni o'quvchilar qalbiga singdirishga harakat qilishadi, – deydi maktab rahbari Mahzuna Hamdamova.

xotirjam tinglashning iloji yo'q edi. Tadbir yakunida maktab o'quvchilari ishonchli qo'llarda ta'lim-tarbiya olayotganliklariga yana bir bor guvoh bo'ldik. Bir kun kelib, Yashnobodni har bir chiqishlarini ravnaq yo'lida bor bilim va mahoratini, kuch-g'ayratini sarflashi, shubhasiz.

Feruz SOYIBJON qizi



ZUBAYDA va NIZOMIDDIN olgan suratlar



Diqqat! Yangi ruken: «Tong yulduzi» a'lochilari



Maktabda hamma ishlarda faol, barcha fanlarni «a'lo» baholarga o'qiydigan tengdoshlaringizga «A'lochilar», deya nisbat beriladi. Bu tirishqoq, o'z ustida tinimsiz ishlaydigan o'quvchilarning rasmlari «A'lochilar taxtasi»ga ilinganida, ko'pchilik ularga havas bilan qaraydi. Bilasizmi, gazetamizning ham ana shunday a'lochilari bor. Ular har safar bizga erishayotgan muvaffaqiyatlarini, ro'y berayotgan yangiliklar haqida to'lib-toshib maktab yo'llashadi. Bunday faol o'quvchilarimiz juda ko'pchilikni tashkil etadi. Shu bois, Gazetamizda «Tong yulduzi» a'lochilari» ruknini tashkil etdik.

Quyida e'tiboringizga havola qilayotgan o'quvchilarimiz sizga juda ham tanish, ayni damda, gazetamizning a'lochilari hisoblanishadi.

Bu o'quvchilarga havas qilib, siz ham ular qatoridan joy olmoqchi bo'lsangiz, shoshiling. Viloyat yoxud tumaningizda yuz berayotgan o'zgarishlar, sizlar uchun yaratilgan shart-sharoitlar, maktab, mahallada o'tkaziladigan tadbirlar haqida ijod namunalaringizdan bizga yozib yuboring.

KITOBLIK XON

Qashqadaryo viloyati, Kitob tumanidagi 4-umumta'lim maktabining 8-«B» sinf o'quvchisi Anvarjon ABDULLAYEV bizga maktab yo'llaydigan eng faol o'quvchilardan hisoblanadi.

U 2015-yil davomida o'z tuzgan boshqotirmalar bilan sizlarni bo'sh vaqtingizga mazmun bag'ishlab, topqirlikingizni zukkoligingizni




sinovdan o'tkazdi. Anvarjon tahririyatimiz hamda qator tashkilotlar hamkorligida o'tkazilgan «Kim ko'p kitob o'qiydi?» respublika ko'rik-tanlovida g'oliblikni qo'lga kiritib, faxriy yorliq hamda esdalik sovg'alari bilan taqdirlandi. U bizga yo'llagan maktubida a'lo o'qishi va bo'sh vaqtlarida ko'p kitob mutolaa qilishi haqida yozgan. Bu safar ham Anvarjon sizlarni zukkolik bahsiga chorlamoqda.

TOPQIRLIK BAHSI

Soat mili yo'nalishida:


1. Zuko o'quvchi.
 3. Qizlar ismi.
 5. Aziz, qadrlil.
 9. Qoraqalpog'istondagi tuman.
 11. Braziliyadagi mashhur futbol stadioni.
 13. Qo'mondon, qo'shinboshi.
 17. Osmon jismlarini o'rganuvchilar.
 19. Katta ilmiy unvon.
 21. Jurnalgina obuna bo'lish.
- Eniga: 2. Aro, bo'ylab. 4. Taom turi. 10. Sog', salomat. 12. Mangu, boqiy. 18. Onaning akasi yoki ukasi. 20. Amirlik boshlig'i.
- Bo'yiga: 6. Arab davlati. 7. Guldon. 8. Sekin, ohista. 14. Qo'l «mikroskop».

15. Go'zallik, husn. 16. Qozoq adibi.



ALLO! MEN – DILNURAMAN

Mana, bir necha yildirki, tahririyatimizga tez-tez qo'ng'iroq qilib, «Men Sirdaryodan Dilnura Safarovaman», deya o'zini tanishtiradigan bu qizimiz ham juda faol. U gazetamiz bilan birga ulg'ayib boryapti, desak, xato bo'lmaydi. Dilnura tez-tez tahririyatga qo'ng'iroq qilib, bayramlarda tabriklashni kanda qilmaydi. U gazetamizga o'zi singari tengdoshlarini ham jalb qilganini, ularning ham ijod namunalaridan yuborishi, ayniqsa, nashrimizga hammadan oldin yillik obuna bo'lgani haqidagi xabarni ham to'lqinlab aytib berdi. Biz Dilnura ijodiy kamolot tilab, kelgusida yanada chiroyli she'rlar yozishiga tilakdoshmiz.



SAVODXON QIZ MAKTUBI

istitirokim uchun tuman bosqichida faxriy yorliq bilan taqdirlandim. Dugonalarim Odinatobuni va Jilduz ham mashhur festivalda raga yonalishida faol ishtiroki uchun faxriy yorliq bilan taqdirlanishdi. Bundan ustoz-



«Tong yulduzi» gazetasiga maktub nasalomu, alaykum, «Tong yulduzi» gazetasini ijodkorlari!

Maktabimizda biz o'quvchilarning oqishimiz uchun barcha sharoitlar yaratilgan. Ustozimiz Zuhra opa Diyosova bizga alifbe, yozuv, matematika darslarini qunt bilan o'rgatadilar. Ingliz tili fani ustozimiz Zebo Torayevadan esa biz ingliz tilida sa'lomlashish, sanash, o'ila a'zolarimizni, sinf foz-larini, sevimli o'yinchoqlarimizni inglizcha aytilishini o'rgandik. Darsdan tashqari vaqtimda musiqaga ustozimiz Zulnoza Normurodovadan fortepianoda kuy chalish sirtarini o'rganmoqdaman. Kamalak yulduzlari bolalar ijodiyoti festivalida fortepiano yonalishida faol

larimiz juda mamnun bo'lishdi. Biz bu yil sinfimiz bilan birgalikda birin-chilardan bolib «Tong yulduzi» gazetasiga obuna boldik. Sevimli gazetamizda berib borilayotgan she'rlar, hikoyalar va magolalarni endi bema'lol o'qiy olamiz. Buning uchun siz ijodkorlarga katta rahmat aytib, ijodiy ishlaringizda rivoj tilab qolaman. «Tong yulduzi» gazetasini mualliflari soni tobora ko'payaversin! E'zoza Ikhomova, Hissat viloyati, Hissat tumanidagi 10-umumta'lim maktabining 4-sinf o'quvchisi.

Tahririyatdan: Endigina savodi chiqqan qizaloqning bizga yo'llagan maktubi barchamizga ma'qul bo'ldi. Imlo xatolarisiz, husnixatda chiroyli yozilgani uchun qo'lyozma shaklida e'tiboringizga havola etgimiz keldi.

Iqtidorli tengdoshing

SIRDARYOLIK SALIMA

MAHALLAM TARIXINI O'RGANAMAN

Salima RAYIMQULOVA – Sirdaryo viloyati, Yangiyer shahridagi Guliston davlat universiteti qoshidagi akademik litseyning xorijiy tillar yo'nalishi 1-bosqich o'quvchisi. U 2015-yili o'tkazilgan viloyat miqyosidagi ingliz tili fan olimpiadasida faxrli o'rinni egallagan. Bunda ustози Mohina Majidovaning xizmati katta bo'ldi.

Yaqinda uning «Turon zamin ziyo» nashriyotida «Ko'z munchoq» nomli ilk she'riy kitobi nashrdan chiqdi. Ayni Yangi yil arafasida yaqinlariga bayram tuhfasini taqdim etgan yosh shoira qizimizni tabriklab, uni

shubhatga chorladik:

– Birinchi yozgan she'r im «Olmaxon» deb nomlangan edi, – deya eslaydi Salima. – Ilk ustozim – onajonim, rus tili fani o'qituvchisi Halima Hazratqulova. Ular mening she'r-

ANOR

Qip-qizil, nordongina,
Anorlarga bir qarang.
Qaysi birin yeyay deb,
Tanlo olmay boshim garang.

Bunisin yeyay desam,
Bunisi qolib ketar.
Qo'lganlari esa-chi,
Ko'zginamni shod etar.

Vaqtim ham o'tib ketdi,
Deguncha unday-bunday,
Hattoki bilmay qoldim,
Hammasin yedim qanday?



larimni o'qib, xato-kamchiliklarini tuzatib berganlar. Keyinchalik 6-sinfda o'qiyotganimda, ona tili va adabiyot fani o'qituvchimiz Musodara Anvarova rahbarligidagi «Yosh adabiyotchi» to'garagiga qatnay boshladim.

Salima bugungi kunda ingliz, rus tillarini yaxshi biladi. Sportning karate turi bilan shug'ullanib, qizil belbog' sohibasi ham bo'lgan.

Kelajakda tarjimonlik kasbini egallab, yurtimiz ravnaqi yo'lida xizmat qilishdek ezgu niyatda bo'lgan Salimaga bu borada muvaffaqiyat tilaymiz.

Dilorom HOTAMOVA

Yurtimiz tarixini yaxshi bilish barchamizning farzandlik burchimizdir. Men o'z mahallamiz tarixini yanada yaxshiroq o'rganmoqchiman.

Bizning mahallamiz Denov tumanida joylashgan bo'lib, u bejizga «Nurli manzil» deb atalmagan. Sababi, mahallamiz ko'chalari obod, ozoda, sport o'yingohlari, do'konlar, ko'p qavatli uylar, turli-tuman hashamatli inshootlar go'zal maskanimizga ko'rk bag'ishlab turibdi. Mahallamizning raisi Shahodat opa Rahmonova jonkuyar, fidoyi insonlardan. U kishi guzarimizdagi oilalarni tinch-totuvligi uchun jon kuydirib ishlaydilar. Mahallamiz posboni Baxtiyor aka Baydullayev hududda istiqomat qiluvchi fuqarolar bilan doimiy ravishda davra shubhatlari o'tkazib kelmoqda. Biz mana shunday jannatmakon yurtda yashayotganimizdan faxrlanamiz.

Dilfuza RUSTAMOVA,
Surxondaryo viloyati, Denov tumanidagi 10-IDUM 7-sinf o'quvchisi

Boshlang'ich sinflarda «OCHIQ DARS»

Toshkent viloyatining Yangiyo'l tumanida joylashgan 1-umumta'lim maktabi tumanda mahorat maktabiga aylangan. Ushbu dargohda tashkillashtiriladigan tarbiyaviy soatlar, ochiq darslar namuna sifatida pedagoglar orasida keng ommalashtirilmoqda.



Mazkur bilim maskanining boshlang'ich sinf muallimasi Lola Yeskarayeva salkam 25 yildan beri o'quvchilarga ta'lim-tarbiya berib kelmoqda. 1-sinf o'quvchilari bilan yaqindagina «Savodxonlik saboqlari» tadbirini esda qolarli tarzda o'tkazgan murabbiy bu safar «Tabiatshunoslik» fanidan «Ekologiyani asrash – barchamizning burchimiz» mavzusida ochiq dars o'tdi. Bolajonlar videolavha orqali tabiatda uchraydigan noyob hayvonlarning yashash tarzi haqidagi ma'lumotlarga ega bo'lishdi. Ayniqsa, o'quvchilardan Robiya Toshpo'latova, Muxtor Valijonov, Sevinch Ermuhammedova hamda Asadbek



Yo'ldoshevning jonivorlar obrazini she'riy tarzda ifodalashi mashg'ulotning qiziqarli kechishini ta'minladi.

– Har bir bolada iste'dod yashirin. Bizning vazifamiz uni vaqtida ko'ra olish va rivojlantirish, – deydi muallima. Darsni kuzatib, bolalarning

«savol-javob» o'yinida topqirligi, o'zini tutishi-yu, fikrini erkin ifodalay olishidan quvondik.

Bolalar dunyosini o'rganib, uning mustaqil shaxs bo'lib shakllanishida ustozlar o'rni beqiyos ekanligiga yana bir bor guvoh bo'ldik.

Nurbek QIDIRALIYEV

Poytaxtimizning Shayxontohur tumanidagi 167-umumta'lim maktabining 2-«A» sinfida «Tabiiy materiallardan applikasiya tayyorlash» mavzusida ochiq dars bo'lib o'tdi. Darsni Toshkent pedagogika kollejining maxsus fan o'qituvchisi Muhayyo Kamolova ushbu ta'lim muassasasiga biriktirilgan amaliyotchi o'quvchilarida kasbiy ko'nikmalar hosil qilish maqsadida tashkil etdi.



N. SULTONOV olgan suratlar

haqida tushuncha berildi. Amaliy ishni talab darajasida bajargan o'quvchilarning ishlari a'loqa baholandi.

Ochiq dars yakunida o'tilgan mavzular kuzatuvchi o'qituvchi va amaliyotchi o'quvchilar ishtirokida tahlil qilindi.


Munojat BAHROMOVA,
Dilfuza NIZOMOVA,
Toshkent pedagogika kolleji o'qituvchilari

Lesson 70

Fairy-tale

FRIENDSHIP

(Do'stlik)



Once upon a time there were a bee and a grasshopper. They were the best friends. One day the grasshopper said to the bee:
 - My dear friend bee you always correct my mistakes and help to people. You like flowers and you can fly, you gather honey. Why do you do this work? Why do you help everybody? But I am always happy, dance and sing in the meadow.

Bee answered to the grasshopper:
 - No my dear friend. We should help everybody every time if we can. It makes us enjoy from our life and you feel more needful for others.

*Dilhayot ERKINOVA,
 the pupil of school number 25, 8th form in Angren city, Tashkent region*

THE PROPRIETY OF CONVERSATION

(Telefonda gaplashish odobi)

- Every ring begins with greeting and introducing.
- Then you will ask to call the people whom you want to speak to.
- Before beginning conversation ask: - If you haven't interrupted significant work.

REMEMBER!

- When you are speaking to your familiar or friend you may call on main work.
- Don't speak unnecessary words on the telephone.
- Don't ring up your friends if it is quite late.
- Don't ring up any more if nobody answers your several calls.
- If someone dials wrong number and calls you, don't be rude and answer softly.
- «Sorry, you have dialed wrong number».



«Don't speak aloud on a bus!»

Sometimes you meet the people speaking aloud on the mobile phone among people in the street. Sometimes everybody hears the people's voice who speaking on mobile phone, when you are on a tram and buses. They say, in Japan a man on a bus speaks loudly on his mobile phone, the passengers beat him for it. We can't say that we won't come across to such problems. Let's suppose, necessity appears law-rules itself.

*Sarvinoz NAZAROVA,
 the pupil of first course 3rd lyceum by Uzbek State World Languages University*

CAN YOU MAKE THE NEW WORD?

(Yangi so'z yasay olasizmi?)

Dear pupils make up the professions using the following suffixes and words!

-ist, -or, -er, -ist, -er, -ist, -er, -or, -ist, -er

- Piano + ist = pianist
- Sail + ...
- Teach + ...
- Economic + ...
- Swim + ...
- Tell + ...
- Write + ...
- Bicycle + ...
- Diplomatic + ...
- Translate + ...



*Zilola JAMOLOVA,
 Jizzakh region, Jizzakhlik street*

IT IS INTERESTING

(Bu qiziq)



Read the text and learn to translate.

The World's Tallest Plant. A giant Californian redwood may be the tallest tree in the world, but there are plants in the sea that are much taller than any tree.

At the southern end of South America, seaweed more than 180 meters in height has been found. The Statue of Liberty, near New York, is half that height.

WHAT IS DIFFERENCE?

(Farqi nimada?)

Read and find the same words only with pronunciation:

Eat	back
Seat	«h»
Leave	it
Had	live
Bag	sit
Age	hat

Do	see
Done	goes
Does	meet
Meat	so
Weak	gone
Sea	week

Umida UMAROVA

TONGUE TWISTERS

(Topishmoqlar)

Dear pupils find and read of school subjects and send answers.

If you do every exercise,
 You will be healthy and wise.
 If you want run, if you want jump,
 Do it for yourself, you won't be plump.


My brother like learning countries,
 With the map he has more strengthens.

FIND YOURSELF

(O'zing top)

Dear pupils can you find the synonyms of these words, fill the empty places using these words:

Aspiration, learner, start, scholar, rapid, charming, purpose, fast, attractive, speed, elegant, commence, goal, open.



Prepared by Dinora SHAKIROVA



Xurram RAYIMOV,
Surxondaryo viloyati,
Denov tumani

VATAN ISHQI

Vatan ishq qon bilan kirgan,
Tutashiqdir unga sha'nimiz.
Vatan g'urur, Vatan iftixor,
Vatan – bizning shirin jonimiz.

Shunday Vatan doim bor bo'lsin,
Kulib tursin unda gul, chechak,
Go'daklarning quvonchlaridan,
Kuylayversin har bir belanchak.

Hayot bunda bardavom bo'lib,
Tinchlik, do'stlik bo'lsin hukmron.
Ushalmagan qolmasin orzu,
To'lib-toshsin omborlarda don.

Shiorimiz tinchlik va do'stlik,
Adolatdir bosh Qomusimiz.
Baxtimizdan so'ylaydi ertak,
Yaxshilikdir or-nomusimiz.

SHIRIN BOLALAR

O'ynang, o'ynang siz bolajonlar,
Dillarga o't yoqib o'ynangiz.
Ko'kda uchgan oqqushlar misol,
Sho'x-sho'x qanot qoqib o'ynangiz.

Sharqiragan soyning saslari,
Uyqungizda allalab tursin.
Subhidamda ochilgan g'uncha,
Lablarini siz tomon bursin.

Sayroq bulbul nag'malaridan,
Istalgancha oling harorat.
Tunda oynang yarqirashidan,
Qalbingizga ko'chsini halovat.

Shodon quvna b o'ynang bolalar,
Zavqingizni soching yellarga.
Yomon ko'zlar panalab ketsin,
Gard qo'nmasin nozik dillarga.

Yer kurrasini qaysi burchida,
Tug'lajak shirin bolalar.
Buzilmasin ularning tinchi,
Tinchlik bo'lsin mangu tayanchi.



**SEN —
YURTIMNING POSBONI**

Hur Vatanning jasur o'g'loni,
Opichlaysan yorug' dunyoni.
Senga mudom soyabon erur,
Yurtimizning tinchlik qo'rg'oni.

Quvonch bilan yonma-yon yurib,
Har qadamda omading kulib.
Tuprog'ingni e'zozlab yurgin,
Bolalikning gashtini surib.

Sen – yurtimning jajji posboni,
Qoningda bor buyuklar qoni.
Yashnayotgan O'zbekistonning,
Kelajagi, zo'r pahlavoni!



– **Katta bo'lsam, albatta, harbiy bo'laman,** – deydi poytaxtimizning Yakkasaroy tumanidagi 358-MTM tarbiyalanuvchisi **Alisher SHERMATOV**

AXTAMQULI



**MARD-U
MAYDON
YIGITLAR**

El koriga yaraysiz,
O'zbekman, deb yaraysiz,
Yurt xizmatiga shaysiz,
Siz – pahlavon yigitlar.

Siz bor, tinch yurt tuprog'i,
Hilpiraydi bayrog'i.
Yoniqdir uy chirog'i,
Mard-u maydon yigitlar.

Mag'rur mudom shahdingiz,
Yurakda zo'r ahdingiz.
Albat, bordir baxtingiz,
O'ktam o'g'lon – yigitlar.

Sizgadir ezgu tilak,
Yog'dirar nurin falak.
Sofdil, jasur, sheryurak,
Qo'rqmas posbon – yigitlar.

Xurshidabonu ODILOVA,
Namangan davlat universiteti
qoshidagi 2-akademik litsey
o'quvchisi

**O'ZBEGIMNING DILBAR
QIZLARI**

Milliyligi aks etar unda,
Yonib turar shahlo ko'zlari.
Ibo-hayo mujassam bari,
O'zbekimning dilbar qizlari.

Uyga tashrif buyursa mehmon,
Tillarida shirin so'zlari.
Odobligi hammaga yoqqan,
O'zbekimning dilbar qizlari.

Husn-u latofat ichra tanho,
Nigohlari misoli pari.
Oy uyalar husnidan hatto,
O'zbekimning dilbar qizlari.

Guljonoy YAXSHIMURODOVA,
Xorazm viloyati, Qo'shko'pir
tumanidagi 4-ixtisoslashtirilgan
maktab-internatining
7-sinf o'quvchisi



YOQUBBEK chizgan rasmlar

Sohibjon bilan sindosh edik. Hozir do'stim haqida emas, uning bobosi, ko'pchilik Novvot amaki, deb e'zozlagan Mamajon buva haqida hikoya qilgim keldi. U kishi qo'l gul oshpaz, damlagan oshlarining ta'rifi esa elda ovoza edi.

Bu voqea 8-sinfni bitirgan yilimiz bo'lgan edi. Mamajon buva adirlik etagida qovun-tarvuz ekib, erta bahordan kech kuzgacha chayla tikib, o'sha yerda bo'lardi. Bir kuni Sohibjon chaqirib qoldi. Buva yaqin tanishlarining to'yida xizmat qiladigan bo'libdi. Agar menga ruxsat berishsa, bir-ikki kun chaylada bo'lib, polizga qarab turishimiz kerak ekan. Do'stim bilan dadamdan ruxsat oldik.

Onam xaltachaga solib bergan non, qand-qursni olib, adirga otandik. Yetib borgach, sigir, qo'ylarni sero't joyga siljitdik. Polizdagi qovun-tarvuzlar ancha yetilib qolgan. Oqshomda buvaning qumg'onida choy qaynatdik. Onam yopgan nonlarining mazasini o'shanda bilganman.

Keyin esa chayla yonidagi so'ruga cho'zildik. Osmon tip-tiniq. Aatrofni yetilib, shiradan «tars» yorilgan qovunlarning ishi tutib ketgan. Qo'l yetgudek joyda jimirlab turgan son-sanoqsiz yulduzlarga tikilib, uxlab qolibmiz. Quyosh bilan barobar uyg'ondik. Ishlarni saranjom qilib nonushtaga o'tirdik. Chaylada sabzi-piyozdan tortib, yog'u-guruchgacha bor ekan. Bu narsalarga qarab turganimni ko'rib, Sohibjon yaxshi gap aytib qoldi:

– Kel, bobomni kelishiga osh damlaymiz. Ko'rib xursand bo'ladi.

Men ovqat pishirishni bilmasligimni aytdim.

– Men bilaman. Sen o't yoqib, qarashib tursang bas, – dedi ishonch bilan.

Tushdan keyin oshga unnadik. Chaylaning orqa tarafida quruq shox-shabbalar g'aram qilib qo'yilgan ekan. Ularni ustma-ust qalab, olovni gurillatdim.

– Sohibjon bolam, chaylaning orqasidagi o'tin kamayib qolibdimi?! Ha, mayli, – dedi bobo nimtabassum bilan savoliga o'zi javob berib. – Indinga bir-ikkita qadrdonlarim kelishmoqchi, qarashib yuborasizlarmi?

Bu gapdan sevinib, aytilgan kuni yana adirga keldik. So'ruga dasturxon tuzab qo'yilibdi. Bobo biz bilan iliq hol-ahvol so'rashdi.

– Hozir osh damlaymiz, – dedi jilmayganicha. – Men o't yoquvchi bo'laman, – deya o'tin olib kelmoqchidim, buva to'xtatdi.

– Ovora bo'lmanglar. Hamma narsa taxt, – dedi buva o'choq yonidagi ikki dona g'o'lachaga ishora qilib. Keyin g'o'lachani olib xuddi qalam tarashlagandek, teshada payrahlab o't yoqdi. Buni ko'rib, hayron qoldim.


– O'tgan kuni katta oshga yetadigan o'tinni yoqib yuboribsizlar. Isrof qilish yaxshi emas. Har ishni obi-tobida qilishni o'rganing. Hatto daftardagi bitta varaqni ham behuda sarflamang. Hamma narsaning uvoli bor. Me'yorini bilgan odam aslo zoriqmaydi.

Meni hayron qoldirgan, ikkita g'o'lacha o'tin osh damlashga yetib, ortib ham qolgandi. Men keyinchalik yo'lda yotgan kichkina cho'pni ham chetga olib qo'yishga o'rgandim. O'quv qurollarim esa anchagacha yetadigan bo'ldi. Bugun biror narsani isrof qilayotgan kishini ko'rsam, beixtiyor Mamajon buva yodimga keladi. Do'stim Sohibjon hozirda olim, iqtisod fanlari doktori. Ko'rishib qolganimizda, albatta, Mamajon buvaning sabog'ini esga olamiz.

Yusuf ABDULLAYEV

**NOVVOT BUVA
YODIMGA TUSHDI**

(Hikoya)



Do'stim, «olovni yoqaver, sabzi-piyoz yaxshi qovurilsa, mazali bo'ladi», deydi xuddi usta oshpazlarday. Boboning kelishiga oshni damlab qo'ydik. Buva oshimizni maqtab-maqtab yedi. O'sha kuni ham dalada tunab qoldik. Ertalab tursak, buva choy tayyorlab qo'yibdilar. Birgalashib nonushta qildik. Bir tekis tilimlangan qovunning shirasidan barmoqlarim bir-biriga yopishib qolgandek bo'ldi.

JASORAT MARDLARGA YORDIR

O'zbekiston zaminidagi bugungi tinch va osuda hayot, farovonlik xalqimizga Istiqlol baxsh etgan bebaho ne'matlardandir. Milliy armiyamiz ana shu osudalik va farovonlikning muhim kafolati va ishonchli qalqonidir.



Yurtimizda harbiy xizmatchilarni ijtimoiy va ma'naviy jihatdan qo'llab-quvvatlash, ularga yaratilgan

sharoitlarni kuzatar ekanmiz, beixtiyor ularga bo'lgan faxr va iftixor tuyg'usini his etamiz. Shunday posbonlarimiz bor ekan, osmonimiz musaffo, ko'nglimiz hamisha xotirjam. Bunday samimiy dil izhorlari Vatan himoyachilari kuniga bag'ishlanib Toshkent viloyatining Zangiota tumanidagi 22-umumta'lim maktabida o'tkazilgan «Bor bo'ling, Vatan posbonlari!» mavzusidagi ma'naviy-ma'rifiy tadbir ishtirokchilari va mehmonlari tomonidan ko'p bor e'tirof etildi. Boshlang'ich sinf o'qituvchisi Shahnoza Shokirova o'zi rahbarlik qilayotgan 2-«A» sinf o'quvchilari bilan tashkil etgan shodiyonada tuman ichki ishlar xodimi Behzod Abdusamatov, iste'fodagi polkovnik Bahodir Jalilov, «Pastdarxon» mahalla fuqarolar yig'ini raisi Abduqayum Xalilov, mahalla diniy-ma'rifat va ma'naviy-axloqiy, tarbiyaviy

masalalar maslahatchisi Gulnora Odilova, ota-onalar, maktab o'quvchilari ishtirok etdilar. O'quvchilar o'zlari yod olgan ona Vatan, askar, posbonlar haqidagi she'rlarini aytishdi. Sahna ko'rinishi orqali yurtimizga jismonan baquvvat, mard, bilimdon yigitlarni kerakligi namoyish etildi.

– Mening 1 nafar o'g'lim, 4 nafar qizim bor, – dedi tadbirda so'zga chiqqan Gulnora Odilova. – O'g'lim Sobirjon Surxondaryoda muddatli harbiy xizmatni o'tagan. Men ana shunday mard, jasur farzandning onasi ekanligimdan faxrlanaman.

Maktab rahbari Gulnora Zokirova katta quvonch bilan ta'kidlaganidek, 2-«A» sinf o'quvchilari Doniyo Mansurov, Abdumalik Shukrullayev, Behzod Yo'ldoshev, Abdulaziz Tohirjonov, Hojiakbar Qobiljonov, Abdujallil



Qobiljonov, Ilhom Tohirov, Abdurasul Ergashaliyev kabi o'quvchilar sportning kurash, futbol va boshqa turlari bilan muntazam shug'ullanishar ekan.

Qalbi g'urur va iftixorga to'lib, she'r aytib, qo'shiq kuylayotgan, jismonan chiniqayotgan bu jajji bolalardan Vatan himoyasiga tayyor o'g'il-qizlar chiqishi aniq.

Nodira NAZAROVA,
Dinora HAMIDULLA qizi

Bolalar sporti

YANGIBOZORLIK OSHLARGA TUHFA

Buxoro viloyati haqida so'z ketganda, beixtiyor ko'z o'ngimizda adog'i yo'q kengliklar bag'rida bunyod etilgan betakror tarixiy obidalar, ko'kka bo'y cho'zgan minoralar gavdalanadi.

Quvonarlisi, Istiqlol yillarida bu qutlug' go'sha yanada chiroy ochdi. Ayniqsa, qishloq joylarida namunaviy loyihalar asosida bunyod etilayotgan turarjoy binolari, zamonaviy sport inshootlari, ta'lim maskanlari, go'zal bog'u-rog'lar odamlarning yashash tarzini tubdan o'zgartirib, ularning kelajakka bo'lgan ishonchini yanada oshirmoqda.

Viloyatning olis Qorako'l tumanidagi Yangibozor qishlog'i aholisi kirib kelgan yangi 2016-yilni quvonchli voqea bilan qarshi oldi. Boisi, hududdagi 30-bolalar va o'smirlar sport maktabi mukammal ta'mirdan chiqarilib, yoshlar ixtiyoriga topshirildi. Buning uchun O'zbekiston Bolalar

sportini rivojlantirish jamg'ar-masining 852 million so'mdan ziyod mablag'i sarf etildi. 230 o'ringa mo'ljallangan ushbu majmuada sport zali, kiyinish xonalari, o'yingoh, yugurish yo'laklari ta'mirdan so'ng go'zal qiyofa kasb etdi. Endilikda qishloq yoshlari bu yerda sportning futbol, voleybol, basketbol, qo'l to'pi, dzyudo, kurash, badminton, tennis turlari bilan muntazam shug'ullanish imkoniga ega.

– Sport maktabimizda yoshlar uchun barcha sharoitlar yaratilgan, – deydi markaz direktori Bo'ston Qo'shshiyev. – 2015-yilda maktabimiz



voleybolchilaridan tarkib topgan tuman terma jamoasi «Umid nihollari» sport musobaqasining viloyat bosqichida uchinchi, «Yozgi ta'til – 2015» turnirida ikkinchi o'rinni qo'lga kiritdi. Nasib bo'lsa, kelajakda qishlog'imiz yoshlari orasidan qit'a va jahon chempionlari yetishib chiqib, yurtimiz nomini butun dunyoga tanitadilar.

Sa'dullo TURSINOV

AZAMAT SPORTCHI BO'LADI

Toshkent viloyatining Bo'ka tumanidagi «Do'stlik» mahallasida joylashgan 34-umumta'lim maktabida karate sport to'garagi tashkil etilgan.

Mahalla faollaridan biri Kenjagul momo nevarasi Azamatni shu to'garakka berdi. 1-sinfda o'qiydigan bolakay qisqa fursat ichida karate usullarini o'zlashtirib oldi. Avvaliga, Salohiddin aka va Fotima opa o'g'lining hali yoshligi, mashqlarni bajarishda qiynalishini istamay, momoga e'tiroz bildirishdi. Biroq, Kenjagul momo gapida turib oldi. O'zi shaharga borib, nevarasiga maxsus sport kiyimlari olib keldi. Momo adashmagan edi. Azamat hozirda ham a'lochi, ham yaxshi sportchilardan.

– Azamatim kelajakda zo'r sportchi bo'lib, O'zbekiston sharafini himoya qilishiga ishonaman, – deydi momo. Nuro'niy onaxonning ezgu niyati amalga oshishiga biz ham ishonamiz.

Shukrulla G'ULOMOV



Alisher Hasanov – Qo'qon shahridagi 12-Mehribonlik uyi tarbiyalanuvchisi.

OMAD YOR BO'LSIN



Bugungi kunda Alisher murabbiyi Muzaffarjon Boboyev qo'l ostida sportning «O'zbek jang san'ati» turi bilan shug'ullanib kelmoqda. Yosh sportchi qator musobaqalarda qatnashib, yetakchi o'rinlarni egalladi. O'tgan yilning dekabr oyida Angren shahrida Viloyat ochiq birinчилиgida 65 kg vazn toifasida 15–18 yoshlilar o'rtasida 1-o'rinni qo'lga kiritdi. Shuningdek, «Sog'lom avlod» an'anaviy «Jhoon Ree Taekwondo» turnirida o'z vazn toifasida 1-o'rin sohibi bo'ldi.

Sportchi hozirda o'z ustida tinimsiz ishlamoqda, chunki u yaqinda Qozog'istonning Ostona shahrida o'tkaziladigan xalqaro musobaqada qatnashmoqchi. Omad yor bo'lsin, Alisher!

Ulug'bek SAIDOV



«O'ZBEKISTON», CHO'L PON NOMIDAGI NASHRIYOT-MATBAA IJODIY UYLARI VA «O'ZBEKISTON MILLIY ENSIKLOPEDIYASI» DAVLAT ILMIY NASHRIYOTI TOMONIDAN CHOP ETILGAN ENG OMMABOP YANGI ADABIYOTLAR:

Aziz o'quvchilar, mana, qishki ta'tilni yakunlab, o'qishlarni ham boshlab oldingiz. Biz tahririyat xodimlari bo'sh vaqtingizga yanada mazmun baxsh etish maqsadida, yurtimizdagi nashriyotlarda chop etilgan eng sara badiiy adabiyotlar bilan Siz azizlarni tanishtirib borishga harakat qilamiz. Ishonamizki, ushbu asarlar kitob javoningizdan munosib o'rin egallaydi.

SO'ZLAR JILOSI

«O'zbekiston milliy ensiklopediyasi» Davlat ilmiy nashriyotida yaqindagina chop etilgan «Ming bir so'zni bilaman» nomli rasmiy izohli lug'at kelajagimiz egalari bo'lgan farzandlarimizga o'zligini anglashdek mas'uliyatli vazifani uddalashda yaqin ko'makchi bo'ladi, degan umiddamiz. Lug'atda sevimli farzandlarimiz uchun ona tilimizning ming bir so'zini uning turli ma'nolarida izohlab, rasmlar yordamida tushuntirib berishga harakat qilindi. Taniqli adibimiz, bolalar shoiri Miraziz A'zamning sa'y-harakatlari bilan tuzilgan sermazmun va purma'no so'zlar lug'ati nashriyotda mehnat qilayotgan muharrir-u dizayner, rassom-u noshir aka-opalarning tomonidan sayqallanib, Sizlarga kitob holida taqdim etildi.



Bibliografiya-ma'lumot va o'lkashunoslik bo'limi xodimasi Shohista Sattorova kitobxon o'quvchilar davrasida.

Ma'naviy boyligimiz bo'lgan kitoblarni targ'ib qilishda kutubxonalar muhim o'rin tutadi. Bu borada Respublika bolalar kutubxonasi o'quvchilarning ichki dunyosini boyitish yo'lida o'zining munosib hissasini qo'shib kelmoqda.

BEBAHO DUR YOG'DUSI

Yaqinda bu ziyo maskanining tashkil etilganiga 50 yil to'lishi munosabati bilan «Yangi yil quvonchilari» deb nomlangan xayriya tadbiri o'tkazildi. Kechada bolalar yozuvchi va shoirlari, olim va san'atkorlar, «SOS» bolalar shaharchasi va 21-Mehribonlik uyi tarbiyalanuvchilari, ijtimoiy himoyaga muhtoj oila farzandlari hamda kutubxonaning faol kitobxonlari ishtirok etdi.

Doniyor O'ROLOV, Respublika bolalar kutubxonasi direktori:

– O'sib kelayotgan yosh avlodni yurtga sadoqat, ona Vatanga muhabbat ruhida kamol toptirish, ular o'rtasida kitobxonlikni keng targ'ib etish maqsadida, Respublika bolalar kutubxonasi faoliyat ko'rsatib kelmoqda. Hozirda kutubxona fondida 200 mingdan ortiq nusxadagi sara adabiyotlar saqlanmoqda. Quvonarlisi, har yili ziyo maskanimizga 13 mingdan ziyod kitobxon tashrif buyurib, uning xizmatlaridan keng foydalanadi.

Bugungi tadbir ham o'g'il-qizlar qalbida kitobga mehr uyg'otish maqsadida tashkil etildi.

Munavvar OCHILDIYEVA, poytaxtimizning Yunusobod tumanidagi 259-umumta'lim maktabining 5-«A» sinf o'quvchisi:

– Bolaligidan kitobga mehrim bo'lakcha. Ayniqsa, she'riyatga juda qiziqaman. Shu sababli, ba'zan she'rlar ham yozib turaman. Rus va ingliz tillarida erkin so'zlasha olishimda ham ushbu kutubxonaning xizmatlari beqiyos. Bu yerda kitoblardan tashqari, tillarni mukammal o'rganish uchun kerak bo'ladigan qo'llanmalar, audio-video darsliklarni ham o'qib, bu biz o'quvchilarni o'z ustimizda ishlashimiz uchun imkoniyat eshigini ochmoqda.

Bugungi tadbirga dugonalirim – 4-«A» sinf o'quvchilari Umida Musamuhammedova va Sevinch Jovliyeva bilan birga keldik. Umuman bolalar kutubxonasi ta'lim berishda o'zaro hamkorlikda o'rtoqlarim bilan muntazam qatnashib kelamiz. Ayniqsa, Xudoyberdi To'xtaboyev, Anvar Obidjon, Tursunboy Adashboyev, Dilshod Rajab kabi ijodkorlar bilan uchrashish va ular bilan jonli muloqotda bo'lish, biz o'quvchilarga katta ma'naviy ozuqa bo'ldi.

Bu yerda «Tayanchim va suyanchim, faxr-u iftixorimsan, muqaddas Vatani!» deb nomlangan ma'naviy-ma'rifiy tadbir o'tkazildi. Tadbirida 161-umumta'lim maktabi qoshidagi «SHTURM» harbiy maktab kursantlari va Yunusobod tumanidagi 259-umumta'lim maktabi o'quvchilari o'z bayram dasturlari bilan ishtirok etdilar.

– Bolaligidan harbiy uchuvchi bo'lishga qiziqaman. Universal jang san'ati bo'yicha O'zbekiston chempioni bo'lganman. Bo'sh vaqtlarimda badiiy kitoblarni mutolaa qilib turaman, – deydi 9-«G» guruh kursanti Muhayyo Mahmudova.

Mana shu maktabning 7-«D» guruh kursanti Asadbek Yoqubov kelajakda harbiy shifokor bo'lishni maqsad qilgan.

– Ingliz tilini katta qiziqish bilan o'rganyapman. Bo'sh vaqtlarimda esa she'r yozishni mashq qilaman, kitob o'qiyman, – deydi Asadbek.

Ushbu tadbir har bir o'quvchi qalbida madlik, jasurlik, vatanparvarlik kabi yuksak ma'naviy, axloqiy fazilatlarini shakllantirishi bilan yanada ahamiyatlidir.

Shavkat KAZAKBAYEV, Jamoliddin ABDULLAYEV



QIZIQARLI SARGUZASHT

«O'zbekiston» NMIUda chop etilgan mazkur ertak-qissa ko'z ko'rib, quloq eshitmagan voqealarga boyligi bilan ajralib turadi. Bolgar adibining qalamiga mansub ushbu qissa hazil-mutoyibaga yo'g'rilgani, hayotda ko'rib-bilib yurgan narsalarining jonivorlar harakati orqali sodda va ishonchli tarzda yoritib berilishi Siz bilan birga ota-onalaringizni ham qiziqitirib qo'yishi turgan gap.



S. TURSINOV tayyorladi

18-yanvar 2016



Muassislar:

O'zbekiston Matbuot va axborot agentligi, O'zbekiston Respublikasi Xalq ta'limi vazirligi, «KAMOLOT» yoshlar ijtimoiy harakati Markaziy Kengashi, «SOG'LOM AVLOD UCHUN» hukumatga qarashli bo'lmagan xalqaro xayriya fondi.

Bosh muharrir
Feruz ADILOVA

Gazeta O'zbekiston Matbuot va axborot agentligida 0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
Omonulla YUNUSOV, Dilshod KENJAYEV, Bahodir G'ANIYEV, Svetlana INOMOVA, Murtazo SULTONOV, Zoir ISAJONOV, Vahobjon RAJAPOV, Zikrilla TESHABOYEV, Feruza JALILOVA, Feruz MATYOQUBOV (mas'ul kotib)

Navbatchi muharrir
Axtamqul KARIMOV
Rassom
Feruzbek KAMOL o'g'li

Manzillimiz:
Toshkent shahri, Navoiy ko'chasi, 30-uy.
Indeksi: 100129.
Obuna indeksi: 198.
e-mail: info@tongyulduzi.uz
www.tongyulduzi.uz

Tel/faks: 244-63-08
Tel/faks: (99871) 244-38-10

«O'zbekiston» NMIUda chop etildi. Tahririyatga kelgan barcha qo'lyozmalar tahrir qilinadi, mualliflarga qaytarilmaydi. Haftaning dushanba kuni chiqadi. Shakli A-3, 2 bosma taboq.
ISSN 2010-6092
Adadi – 45003
Buyurtma – S 4920